

Inatsisartut Suleriaasianni § 36 naapertorlugu apeqquteqaat aallaavigalugu oqallisissiaq imaattoq matumuuna saqqummiuppara:

Pisortat peqqinnissaqarfianni napparsimasut elektroniskiusumik journalianut aaqqissuussassap kalaallisut tuluttullu atorneqarnissaat, napparsimasut isumannaatsuunerat sanngiillisinnagu, qanoq tapersersorsinnaaneraa pillugu apeqquteqaat aallaavigalugu oqallinnissamik siunnersuut.

(Inatsisartunut ilaasortaq Juno Berthelsen, Naleraq)

Kalaallit Nunaanni peqqinnissaqarfik napparsimasut elektroniskiusumik journalianut aaqqissuussamik nutaamik peqalertussaavoq. Taamaattumik aaqqissuussaq inaarutaasumik toqqarneqarlunilu ilusilersorneqannginnerani politikkikkut oqaatsitigullu piumasaqaatit oqallisigineqarnissaat pingaaruteqarpoq.

Napparsimasut journalissaannut aaqqissuussaq nakorsanut, peqqissaasunut peqqinnissaqarfimmilu sulisunut allanut pingaarutilimmik sulinermi sakkuuvoq. Aaqqissuussaq teknikkikkut isumannaatsuusariaqarpoq, napparsimasullu isumannaatsuunerat pingaarnerpaatinneqartariaqarluni. Aamma Kalaallit Nunaanni pissutsinut naleqquttuusariaqarpoq.

Kalaallisut aallaqqaataaniilli ilanngullugit eqqarsaatigineqartariaqarput. Napparsimasut sapinngisamik anniarnertik, nappaatip ersiutai peqqissutsimullu tunngasut allat nammineq oqaatsitik atorlugit nassuiarsinnaasariaqarpaat. Aamma nammineq peqqissutsiminnut paasissutissaminnut oqaatsit paasisinnaasatik atorlugit isersinnaasariaqarput.

Peqqinnissaqarfik nunanit allanit sulisussarsiorparpoq. Taamaattumik tuluit oqaasiinik atuinissamut periarfissaq nunanit allaneersunik sulisussarsiornermut iluaqutaasinnaavoq, journalimullu aaqqissuussaq peqqinnissaqarfimmi sulisunit nunanit assigiinngitsuneersunit atorneqarsinnaanerulersillugu. Qallunaat oqaasiisa taarserneqarnissaat pineqanngilaq. Aaqqissuussamilli oqaatsitigut naleqqussarsinnaasumik isumannaatsumillu pilersitsinissaq pineqarpoq.

Naalakkersuisut kalaallisut tuluttullu aaqqissuussami qanoq atorneqarsinnaanersut, journalimi oqaatsit sorliit pisortatigoortumik tunngavigineqassanersut kiisalu kukkusumik nutserinerit oqaatsitigullu paatsoornerit qanoq pinaveersaartinneqarsinnaanersut oqaaseqarfigeqquneqarput.

Oqaatsinut tunngasut napparsimasullu isumannaatsuunerat aallaqqaataaniilli aaqqissuussamut ilaatinneqarnissaat Inatsisartut maanna oqallisigisariaqarpaat - kingusinnerusukkat aatsaat ilanngunniarneqarnatik.